

ՍՅՆԻՄԻ ԿԱՐԱՎԱՆԱՏԱՆ ՎԵՐԱՆՈՐՈՎՈՒՄԸ

Պատմական Հայաստանի գլխավոր ճանապարհների վրա ամենուրեք պահպանվել են աշխարհիկ կառուցվածքների՝ կարավանատների մնացորդները։ Պահպանված կառուցվածքների դասավորությամբ հնարավոր է վերականգնել հնում անցնող ճանապարհների ուղղությունները, իսկ դրանց բացարձակ լսիները ճիշտ բնորոշում են այս կամ այն ճանապարհի կարևորությունը և անցողունակությունը։ Այդպիսի հին ճանապարհ ձգվել է Սևանա լճի ափից (այժմյան Մարտունի) մինչև Վայոց Ձոր։ Այդ ճանապարհի վրա պահպանվել են երկու կարավանատներ։ Մեկը լեռան ստորոտում՝ Լեռնացիք (նախկինում Աղբնեղ) գյուղի կարավանատումը, մյուսը լեռնանցքի գագաթին՝ Սնիմի նշանավոր կարավանատումը։ Վերջինս, կառուցված լինելով ճանապարհի եզրին, ձգվում է նրա երկայնքով։ Բաղկացած է երեք հիմնական կառուցվածքներից՝ եռանավ դահլիճից, նրան ուղղահայաց կառուցված սրահից (նախամուտքից) և արևելյան կողմում կից կառուցված առանձին մուտքով փոքր սրահից։ Այսպիսի դասավորությունը պատահական չէր, եթե հաշվի առնենք, որ կարավանատումը կառուցված է եղել ծովի մակերևույթից 2400 մ բարձրության վրա, ուր ցրտաշունչ ձմեռը պահանջում էր հատուկ միջոցառումներ՝ սառը օդը անմիջապես ներս շրջանցելու համար։ Բացի այդ, լեռնանցքով փյուռ ուժեղ քամիներից պաշտպանվելու համար, որոնք փչում են հյուսիս-հարավ ուղղությամբ կարավանատումը կառուցել են ճանապարհից հարավ գտնվող հարթակի վրա։ Գլխավոր մուտքը նույնպես հարավից է և լրիվ պաշտպանված է քամիներից։

Կարավանատումը պատկանում է միադահլիճ եռանավ կառուցվածքների տիպին, որոնք ժամանակին լայն տարածում են գտել Հայաստանում², ծոանավ դահլիճի հատակագիծը դիտելիս համոզվում ես, որ արևելքից-արևմուտք ուղղությամբ ձգված այդ կառուցվածքը ներսում երկու շարք մույթների օգնությամբ բաժանված է երեք ձգված նավերի, որոնցից կենտրոնականն ունի 5 մ ավելի թռիչք։ Փոքր նավերի թռիչքները

կաղմում են 3 մ և 3,2 մ։ Դրանց արևմտյան ծայրում տեղադրված են մեկական սենյակներ, որոնցից հարավայինի մուտքը բացվում է փոքր նավի մեջ, իսկ հյուսիսայինը՝ կենտրոնական նավից։

Ծոանավ դահլիճը լուսավորվել է երեք երդիկներով, որոնց տանիքի վրա փոքր բացվածքը թաղի գագաթում դեպի ներս լայնանում է, առաջացնելով բավական զեղեցիկ ստալակտիտներով մշակված բացվածք։ Մեծ դահլիճին կից ուղղահայաց տեղադրված է նախասրահը, որի միակ արտաքին մուտքը բացված է հարավային ճակատում։ Այն ունի բավական ճոխ մշակված շքամուտք, որի ճակատակալ քարի վրա պահպանվել է արաբատառ շինարարական արձանագրությունը։ Շինարարական հայերեն արձանագրությունը պահպանվել է նախասրահի ներսում, որից իմանում ենք կառուցվածքի ստեղծման տարիթիվը՝ 1332 թ.³։ Նախասրահի թաղի գագաթում, մեծ դահլիճի երդիկների նման, տեղադրված է ստալակտիտներով մշակված երդիկ։

Մինչև վերանորոգումը կարավանատումը զբոսնելում էր անմխիթար վիճակում՝ եռանավ մեծ դահլիճը լայնական ուղղությամբ ճեղքված էր։ Արևելյան կեսը, արևմտյանի համեմատությամբ, մոտ 40 սմ շարժվել էր, այլ կերպ ասած՝ տեղի էր. ունեցել սողքի երևույթ (նկ. Ձ 1Ա, 2Ա)։ Տեղացիների պատմածի համաձայն կարավանատումը ճեղքվել է կայծակի հարվածից, սակայն դա գիտականորեն չի հիմնավորվում։ Այն լանջը, որի վրա կառուցված է կարավանատումը, կազմված էր հողմահարվող ապառներից, որոնց սողքի ենթարկվելու հետքերն այժմ էլ պարզ երևում են։ Սողքի երևույթ մեղ հաջողվեց դիտել 1964 թ. գարնանը տեղի ունեցած երկրաշարժից հետո։ Սնիմի կարավանատից 300—400 մ հեռավորության վրա նեղեղաձև—Մարտունի ճանապարհի ծածկույթը 5—6 մ տեղաշարժվել էր հորիզոնական և 2 մ ուղղահայաց ուղղությամբ։ Դա ամրապնդեց մեր համոզումը այն մասին, որ կարավանատան քանդման պատճառը հանդիսացել են երկրաշարժը և նրա հետևանքով առաջացած սողքը։ Ծոանավ դահլիճի կենտրոնական մասը, համեմատած արևելյան և արևմտյան

1 Վ. Մ. Հարությունյան, Միջնադարյան Հայաստանի քարավանատներ և կամուրջներ, Երևան, 1960, էջ 17։

2 Նույն տեղում, էջ 15։

3 Երկման հայ վիճագրության, պրակ III, Երևան, 1967, էջ 177։

ծայրերի հետ, բավականին վեր էր բարձրացել. այդ զգացվում էր նաև պահպանված լուսանկարների վրա: Ներսում Թափված էին քարերի և շաղախի մանր ու խոշոր բեկորներ:

Ճարտարապետներ Ս. Դավթյանի, Ա. Ժամհարյանի և Ս. Մարգարյանի 1949 թ. կատարած չափազորության հիման վրա ճարտարապետ Հրանտ Հակոբյանը 1955—1956 թթ. կազմեց վերանորոգման նախագիծը (նկ. № 1 Ա և 2 Բ) և ինքն էլ ղեկավարեց վերանորոգումը: Նախագծի համաձայն վերաշարվեցին երեսուկատի քիվերը, պահասող մասերում լրացվելով նոր քարով Թաղածակում գոյացած ճեղքը լրացվեց երկաթբետոնով, առաջացնելով որոշակի խզվածք: Արտաքին պատերի վրա ուժեղ դեֆորմացիայի հետքը թույլ էր զգացվում, սակայն ներսում այն խիստ նկատելի էր իուլիսի վերանորոգումից հետո: Իրականում հարավային պատը մոտ 40 սմ, իսկ հյուսիսայինը՝ մոտ 15 սմ ճեղքերով դուրս էին եկել ընդհանուր՝ դահլիճի երկու մասերը միացնող ուղիղ գծից: Անհրաժեշտ էր ներսից և դրսից հնարավորին լափ վերացնել դեֆորմացիայի հետքերը, հուշարձանի նախկին տեսքը վերականգնելու համար. դա կատարվեց կարավանատան պատերի, հատկապես հարավային պատի հաստության հաշվին:

Այստեղ տեղին է նշել, որ հարավային և հյուսիսային պատերի ու տանիքի ուղղումը, որը քողարկում է ստորգետնյա հարվածի հետևանքով առաջացած զգալի տեղաշարժը, հուշարձանների վերանորոգման գիտական մեթոդիկայի տեսականտից ճիշտ չէ: Ստացվել է, որ հուշարձանն արտաքինից չի կրում դեֆորմացիաների ոչ մի հետք, իսկ ներսում դա պարզ զգացվում է: Արտաքինից դեֆորմացիաների հետք չերևալը հետևանք է պատերի հաստության և թաղերի վրա կատարված հոծ լիցքի: Այսպիսով, հետագա ուսումնասիրողների համար առաջանալու է առեղծվածի րացատրության անհրաժեշտությունը՝ ինչպե՞ս է գոյացել ներսի դեֆորմացիան, առանց արտաքին պատերի և տանիքի դեֆորմացիաների:

1956 թ. վերականգնվեցին հուշարձանի պատերը և քիվերը, իսկ 1957 թ. մաքրվեցին ներսում տարիներ ընթացքում կուտակված աղբը, հողն ու քարը:

Նոսանով դահլիճի տանիքի երկու լանջերի վրա շարվել են բազալտե սալեր՝ հին ու նոր քարերով. տակի շարքերի նոր սալերի եզրերին արվել են 1 սմ բարձրությամբ և 2 սմ լայնությամբ երիզներ՝ անձրևաջրերի ներթափանցումը սալերի տակ կանխելու համար: Այդ երիզների վրա դրված են տանիքի հարթ սալերի կարանները ծածկող սալերը:

Մինչև 1957 թ. աշխատանքները կատարվում

էին ընդլայնական ճեղքից արևմուտք ընկած մասի արտաքին պատերի, քիվերի և տանիքների վերանորոգման ուղղությամբ: 1957 թ. դրանք շարունակվեցին հիշյալ ճեղքից արևելք ընկած մասի արտաքին պատերի, քիվերի ու տանիքների վրա: Այդ հատվածներում քանդվել և ընդհանուր գծով վերաշարվել են երեսասյուսներն ու բիվերը: Այնուհետև վերականգնվել են տանիքների ծածկասալերը (նկ. № 3):

Ընդլայնական ճեղքի առաջացման հետևանքով խախտվել էր տանիքների արևմտյան և արևելյան մասերի կարը, և այն քարով ծածկելու համար անհրաժեշտ էր այդ երկու մասերի միջև ստանալ որոշակի խզվածք: Սակայն ծածկը քարե սալերով ավելի դյուրին իրականացնելու համար գնահատվեց շենքի երկու մասերը զնել մի հարթության վրա: Նոսանով դահլիճի կենտրոնական մասը իրկու ծայրերի հետ համեմատած բավականին վեր բարձրացված լինելու պատճառով քանդվեց մոտ 120 խմ. շաղախի լիցք: Շաղախը չափազանց ամուր էր և այդ աշխատանքը գործիքներով կատարելու համար պահանջեց զգալի քանվորական ուժ:



1958 թ. սկսվեցին ներսի աշխատանքները. վերանորոգվեցին հատկապես հյուսիսային և հարավային պատերի երեսները, նալերի միջին սյունաշարի խիստ դեֆորմացիայի ենթարկված ու տեղերից պոկված կամարների քարերն ու սյուները: Վերանորոգվեցին նաև փոքր նալերի թաղերը: Դրանք մասամբ վերաշարվեցին և լրացվեցին նոր քարերով⁴:

Ուսանալով դահլիճից հետո վերանորոգվեց արևելյան մասի կից կառուցված դահլիճի հյուսիսային ճակատի երեսասյուսը և տանիքի սալերը լրացվեցին քարերով: Արևելյան մասում կից կառուցված սրահը մնաց կիսավեր վիճակում:

Շատ պատասխանատու աշխատանք էր երկու դահլիճների հատման գծում բազալտե աղվակի վերանորոգումը: Հին քարերի մի մասը շարված էր, մի մասն էլ, տանիքների սալերի հետ միասին, պոկվել էր և տարվել: Դրանք գտնելու բոլոր փորձերն անհաջողության մատնվեցին: 1964 թ. գարնանն աղվակն իրագործվեց նոր քարերից և ալվելի կատարելագործված կոնստրուկցիայով: Այդ աշխատանքները կատարում էր Միսակ Մենեջյանը՝ ճարտարապետներ Ա. Հարությունյանի և Յու. Բամանյանի ղեկավարությամբ:


Սելիմի կարավանատան վերանորոգման աշխատանքներն ավարտվեցին 1964 թ., սակայն

4 Գ. Կանեցյանն առաջարկում էր թաղի ամրացման համար ընդարձակվող ցեմենտ օգտագործել:



Նկ. Մ 1. Սելիմի կարավանատան շափազրութիւնը և վերանորոգման նախագիծը,
(Հարավային հակատ):

Ա. շափազրութիւնը, Բ. վերանորոգման նախագիծը:



Նկ. № 2. Ուլիմի կարավանատան շափազրութիւնը և վերանորոգման նախագիծը.
(Հյուսիսային հակատ):


Ա. շափազրութիւնը, Բ. վերանորոգման նախագիծը

Քերի մնաց մետաղյա գոների տեղադրումը և շրջակայքի բարեկարգումը:

Վերանորոգման համար օգտագործվել են հուշարձանի շրջակայքի և դեպի Մարտունի տանող ճանապարհից 27 կմ հեռավորության վրա ըն-

համար Սելիմում է եղել Հուշարձանների պահպանության գիտական խորհուրդը (Կ. Հովհաննիսյան, Վ. Հարությունյան, Հ. Սարգսյան, Բ. Առաքելյան, Կ. Ղաֆադարյան):

Վերանորոգումը կատարել է Օ. Մենեջյանի ղե-



Նկ. № 3. Սելիմի կարավանատունը վերանորոգումից հետո:

կած քարհանքից հանված մեծածավալ բազալտ քարերը: Ավագը բերվել է Մարտունուց, Սեանալճից, երբեմն էլ օգտագործվել է լեռնային ավազը, որի որակն այնքան էլ բարձր չէր: Աշխատանքները կատարվել են խառը շաղախով:

Հուշարձանի վերանորոգման ժամանակ բավականաչափ բարդ խնդիրները տեղում լուծելու

կավարած քարտաշ-որմնադիրների բրիգադը, 1956—57 թվականներին աշխատանքների մասնագիտական ղեկավարը եղել է ճարտարագետ Հ. Հակոբյանը: 1957 թ. աշխատանքները ղեկավարել է Հ. Գառապարյանը, 1958 թ.՝ Ա. Հարությունյանը:

ՅՐԻԼԻ ԲԱՄԱՆՅԱՆ